

10. GIZARTE EKIMENAREKIKO ELKARLANA

2014ko abuztuaren 29an Tokiko Gobernu Batzordeak erabaki zuen 284.600 €-ko laguntzak ematea beren jarduera gizarte ekintzaren esparruan garatzen duten irabazi asmorik gabeko elkarteei. Elkarte horiek honako hauek dira:

Gaixotasunen eta mendekotasunen esparruko 38 elkarte.
Gizarteratzearen eta Immigrazioaren esparruko 25 elkarte.
Adinekon esparruko 10 elkarte.
Emakumeen esparruko 8 elkarte.
Hurtzaroaren esparruko 6 elkarte.
Gizarte harremanak sustatzearen esparruko 5 elkarte.

2014an Gizarte Ongizateko Zuzendaritzak lankidetzak hitzarmenak eduki ditu erakunde hauekin:

- **HURKOA Fundazioa**, ezgaitasun prozesuak eta/edo tutoretza prozesuak hasi behar diren kasuetan Gizarte Ongizateko Zuzendaritzarekin batera lan egiteko.
- **NAGUSILAN eta GURUTZE GORRIA**, boluntarioak biltzeko eta Gizarte Ongizateko Zuzendaritzarekin batera laguntza emateko adinekoei eta etxean desgaituta daudenei.
- **DYA** Gizarte Ongizateko Zuzendaritzarekin batera, udalak esku hartzeko edozein eremutan norbanakoen eta taldeen garraio beharrak asetzeko.
- **AFAGI** (Gipuzkoako Alzheimerdun Gaixoen Senitartekoen Elkartea), Gizarte Ongizateko Zuzendaritzarekin batera, psikoestimulazio kognitiboaren prebentzio programa bat egiteko Alzheimerren hasierako fasean dauden edo diagnostikatutako beste demenzia sindrome bat daukaten adinekoei.